



PREDSTAVNIČKI / ZASTUPNIČKI DOM


ПРЕДСТАВНИЧКИ ДОМ

ŠERIF ŠPAGO

zastupnik

Broj:

Sarajevo, 19.1.2024. godine



**PREDSTAVNIČKI DOM PARLAMENTARNE SKUPŠTINE
BOSNE I HERCEGOVINE**
n/r predsjedavajućeg g. Marinko Čavara

PRAVOBRANILAŠTVO BOSNE I HERCEGOVINE
Džemala Bijedića 39, Sarajevo

Na osnovu člana 166. i člana 170. Poslovnika o radu Predstavničkog Parlamentarne skupštine Bosne i Hercegovine („Službeni glasnik BiH“ broj 79/14, 81/15, 97/15, 78/19, 26/20, 53/22 i 59/23) postavljam

POSLANIČKO PITANJE u pisanoj formi **Pravobranilaštvu Bosne i Hercegovine** i to:

Da li je Pravobranilaštvo Bosne i Hercegovine preduzelo bilo kakve korake ka utvrđivanju vlasništva nad obalom mora u Neumu kao državnoj imovini, a koju je Općina Neum suprotno odredbama Zakona o privremenoj zabrani o raspolaganja državnom imovinom BiH („Službeni glasnik BiH 18/05, 29/06, 85/06, 41/07, 74/07, 99/07, 58/08, 22/22) uknjižila kao svoje vlasništvo u dijelu 1/1, te ako nije poduzelo ništa šta planira poduzeti po navedenom?

Obrazloženje:

Zakon o vodama u Hercegovačko-neretvanskom kantonu (“Službene novine HNK” br. 6/13) reguliše u članu 6. stav. 3. da vodama II kategorije na području HNK pripadaju i “obalne morske vode”. Navedena odredba Zakona, kao i odredbe Zakona o vodama Federacije BiH (“Službene novine Federacije BiH” br.70/06) poslužila je kao osnov Ministarstvu poljoprivrede, šumarstva i vodoprivrede HNK za donošenje Rješenja br. UP/I-11-05-27-1227/08 od 13.07.2018.god. kojim se određuju granice vodnog dobra za površinske vode II kategorije na području Općine Neum. Nakon donošenja ovog Rješenja, urađena je zabilježba ovog Rješenja kod Općinskog suda u Čapljini – ZK ured, a potom i nezakonita uknjižba nad obalom mora nad slijedećim parcelama u KO Neum:

12, 13, 14, 147, 148, 343, 344, 520/5, 526/19, 527/17, 528/7, 536/6, 538/8, 2077

Neusklađenost Zakon o vodama HNK i Zakona o vodama Federacije BiH sa Zakonom o stvarnim pravima, omogućilo je da Općinski sud u Čapljini-zemljišnoknjižni ured upiše pravo vlasništva nad obalom mora površine preko 78 ha u korist Općine Neum sa dijelom 1/1 (što je vidljivo iz zk. ul. br. 1383, 371, 525). Radi se nedosvimisleno o kršenju odluka Ustavnog suda BiH o državnoj imovini kao i povredi suvereniteta Bosne i Hercegovine, jer pitanje obalnih morskih voda u Neumu nije materija koja se može regulisati kantonalnim, niti entitskim zakonima, nego isključivo propisima države Bosne i Hercegovine. Pitanje obale mora u Neumu je pitanje utvrđivanja unutrašnjih morskih voda kao segmenta prava mora, koje je posebno kodificirano u međunarodnom pravu, što je u nadležnosti državnih institucija. Važno je naglasiti da je ovako postupanje ZK ureda u Čapljini suprotno i važećoj praksi Ustavnog suda BiH i Vrhovnog suda Federacije BiH.

Zakon o privremenoj zabrani raspolaganja državnom imovinom BiH je *lex specialis* u odnosu na sve propise koji regulišu pitanje raspolaganja imovinom, pogotovo entitetske zakone o stvarnim pravima. Ovakav stav je potvrđen kroz prasku Ustavnog suda BiH (AP-1080/18), kao i praksu Vrhovnog suda Federacije BiH (Presuda br. 04 0 U 009517 18 Uvp od 03.02.2022). Zakon o privremenoj zabrani raspolaganja državnom imovinom je *lex specialis* i u odnosu na Zakon o zemljišnim knjigama (Odluka Vrhovnog suda Federacije BiH br. 32 0 St 029678 19 Spp od 26.02.2020. godine).

Imajući u vidu da su entiteski i kantonalni zakoni o vodama poslužili kao *iustus titulus* za uknjižbu prava vlasništva, a suprotno odredbama Zakona o privremenoj zabrani raspolaganja državnom imovinom BiH, pozivam Vas da u skladu odredbama Zakona o pravobranilaštvu BiH („Službeni glasnik BiH“ 8/02, 10/02-ispr., 44/04, 102/09, 47/14) zaštitite državnu imovinu BiH u Općini Neum.

Zastupnik

Šerif Špago

